

Naqqiut  
Siunnersuut 30. januar 2018-imeersoq taarserpaa  
(Inatsisip ilusilersorneqarnera allannguuteqartinneqarpoq.  
§§ 1, 2 aamma 5-8 naqqinneqarput)

Siunnersuummut nassuiaatit

**Nalinginnaasumik nassuiaatit**

**1. Aallaqqaasiut**

Inatsiseqarfinni assigiinngitsuni arlalinni aningaasat innuttaasunut tunniunneqartussat annertussusissaat imaluunniit aningaasat qanoq annertussusillit akileraarutinut akitsuutinullu akiliutigineqassanersut malittarisassani aalajangersarneqarput. Uani ilaatigut pineqarput utoqqalinermi aamma siusinaartumik pensionisiat kiisalu nioqqutissanik eqqussinermi akitsuutit aamma umiarsualivimmiinnermut akitsuutit.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9, 1. juni 2017-imeersoq aqputigalugu nuussinernit pisortat isertitassaat kiisalu akileraarutit akitsuutillu akigititat nalimmassarnissannut procentip malinnissaanut tunngavissiisoqarpoq.

Akigititat taakku akuttungitsunik iluarsiivigineqartarnissaannut qulakkeerutaasumik immikkoortortalersukkanik inatsisiliani malittarisassanik aalajangersaasoqarsimatinnagu akigititat ataavartumik iluarsiivigineqanngeqqajaasarput. Assersuutigalugu nioqqutissat eqqunnerannut akitsuut pillugu Inatsisartut inatsisaanni akigititat amerlasuut ukiut arlallit ingerlaneranni assigiinnartarsimapput.

Siunnersuummi uani siunertarineqarpoq akit ullumikkut Inatsisartut inatsisaanni assigiinngitsuni arlalinni aalajangersarneqarsimasut ilaat ingerlaavartumik iluarsiivineqartarnissaannut malittarisassat assigiiaartut atuutilersinnissaat.

Akigititat tamarmiunngitsut akigititat naleqqussarnissaannut procentimit toqqaannartumik naleqqussarneqarsinnaapput, taakkumi aningaasanut inatsimmi imaluunniit akigititat pillugit kaajallaasitami annertussusiligaareermata taamaalillutillu Inatsisartut inatsisaanni matumani allanngortinneqarsinnaanatik. Taamaattorli akigititaat ilaat taakku procentimik iluarsiiisutaasartumik ingerlaavartumik iluarsineqartalernissaat naatsorsuutigineqarpoq.

Siunnersuummi taamaallaat pineqarput akigititat kroninngorlugit øringorlugillu taaneqartut isertitat killissaat imaluunniit procentiliussat procentimik iluarsissutaasartumik iluarsineqartarnissaat siunertarineqanngimmat.

Procenti aaqqiissutissaq aammalu maannakkorpiaq aningaasarsiat pillugit Inatsisartut inatsisaat nr. 9 ulloq 1. juni 2017-imeersoq § 3 najoqqutaralugu Naalackersuisut ukiut tamaasa kingusinnerpaamik aggustip qaammataani procenti aaqqiissutissap annertussusaa nalunaarutigisassavaat. Assersuutigalugu Naatsorsueqqissaartarfiup procenti aaqqiissutissap annertussusaa 2018-imut 100,8-aasoq 2019-inimullu 101,6-iusoq saqqummiuppaa. Annertussusissat akitsuutillu iluarsissutaat Naalackersuisoqarfiit susassaqtartut nittargaanni takuneqarsinnaapput.

Piffissami qanittumi 6. novembarimiit 12. decembari tungaanut 2017-imi siunnersuut assigisaanik imalik tusarniutigineqarpoq. Siunnersuutip saqqummiunneqarnerata kingorna Inatsisartunik qinersisoqarmat siunnersuut taamaatiinnarpoq.

## 2. Siunnersuummi immikkoortut pingaernerit

Akilerartarnikkut akitsuusiisarnikkullu inatsiseqartitsinermit ullumikkut akigititat sorliit aamma nuutsisarnermit isertittakkat sorliit, akigitittakkat naleqqussarnissaanut procentimik naleqqussarneqartariaqartarnerat pillugu siunnersuummi siunnersuutigineqarpoq, tak.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9, 1. juni 2017-imeersoq.

<b>Siunnersuutip inatsisinut atuutereersunut sanilliunneqarnera</b>	
<i>Oqaasertaareersut</i>	<i>Siunnersuut</i>
	<b>§ 1</b>
	Isertitanit akileraarutit pillugit Inatsisartut inatsisaanni nr. 12, 2. november 2006-imeersumi, Inatsisartut inatsisaatigut nr. 4, 23. november 2017-imeersumi kingullermi allanngortinneqartumi makku allannguutigitinneqassapput:
<i>Imm. 2. Pappiaqqat aningaasanik nalillit, pappiaqqanik aningaasanik nalilinnik atuutilersitsisartumit ataatsimit atuutilersinneqartut piffissami</i>	<b>1. § 47 d, imm. 2, oqaaseqatigiit pingajuannit tallimaannut atorunnaarsinneqarput.</b>

<p> pisiarineqarfimminni nalingat  soraarnerussutisiaqarnissaq siunertaralugu  ileqqaakkat tamarmiusut 20 procentiannit  anginerusinnaangilaq. Kisianni  pappiaqqanut aningaasanik nalilinnut,  pappiaqqanik aningaasanik nalilinnik  atuutilersitsisartumit ataatsimit  atuutilersinneqartunut 50.000 kr.-it tamatigut  atorneqarsinnaapput. Aningaasat taaneqartut  kisitsisit akinut naleqqersuutit, kisitsisit  akinut naleqqersuutit 1. julimeersut  qaammatit 12-it kingulliit ingerlaneranni  allannguutaattut naatsorsukkat  tunnga-vigalugit  Naatsorsueqqis-saartarfimmit  naatsorsorneqarsimasut malillugit  iluarsineqassapput. Iluarsineq  ukiumoortumik pisas-saaq, ukiumi  tulliuttumi 1. januar atuuttussanngorlugu.  Aningaasat iluarsisat Naalakkersuisut ukiut  tamaasa kingusinnerpaamik 1. januar  tamanut nalunaarutigisassavaat </p>	
	<p> <b>2.</b> Kapitali 11-mi § 114-ip kingorna  ilanngunneqassaaq,  § <b>114 a.</b> § 19, imm. 2 – 4, § 39, imm. 3, § 39  a, imm. 5, § 47 d, imm. 2, § 47 f, imm. 4  aamma § 57, imm. 3-mi aningaasat aamma  anigaasanut killiliussat anigaasanut  inatsiseqarfiusumi pineqartumi procenti  aaqqiissutissaq ukiumoortumik 1. januarimi  naleqqussarneqassaaq, tak. procenti  aaqqiissutissaq aamma maannakkorpiaq  anigaasarsiat pillugit Inatsisartut inatsisaat. </p>
	<p style="text-align: center;"><b>§ 2</b></p> <p> Anigaasanik ikisilluni pinnguaatinut  akileraarut pillugu Inatsisartut inatsisaat nr.  3, 17. maj 1990-imeersumi, ilaatigut  Inatsisartut inatsisaanni nr. 15, 7. november  2003-mi kingullermillu Inatsisartut </p>

	<p>inatsisaanni nr. 19, 18. november 2010-meersumi allannguuteqartinneqartumi makku allannguutigitinneqassapput:</p>
<p><b>§ 10.</b> Aningaasanik ikisilluni pinnguaatinut akitsuut ukiumut ima annertussuseqarpoq:  1) Aningaasanik ikisilluni pinnguaammut pissarsissutaasinnaasumut siullermut 64.000 koruunit, pigisap aappaanut 70.000 koruunit kiisalu pigisanut tulliuttunut tamanut 76.000 koruunit.  2) siullermik aningaasanik ikisilluni pinnguaatinut pissarsissutaanngitsunut kr. 5.460, aappasaanik kr. 6.540 aamma tulliuttunut tamanut immikkut kr. 7.630.  <i>Imm. 2.</i> Qaammatit pingasukkaat tamaasa ulloq 1. december, 1. marts, 1. juni aamma 1. september siumoortumik akitsuutip sisamarterutaa akiligassanngortinneqassaaq piffissaatillugu akiliiffissaq ulloq tassaavoq qaammammi akiliiffiusussami ullut 10-at.  <i>Imm. 3.</i> Akitsuut piffissaatillugu akilerneqanngippat kr. 400-nik akitsuuserneqassaaq.  <i>Imm. 4.</i> Piffissami akiliiffiusussami ateq kommunalbestyrelsip akuersineratigut nalunaarsugaasoq, akitsuummumut inuttut nammineq akisussaassaaq. Piginnittoq imaluunniit attartortoq kinaluunniit kommunalbestyrelsip akuersineratigut akitsuummik piginnittumut nammaqatigiinnikkut akisussaassaaq.</p>	<p><b>1.</b> § 10-mi <i>imm. 2-p</i> kingorna immikkoortutut nutaatut ilanngunneqassaaq:  ”<i>Imm. 2.</i> Imm. 1-imi akitsuut ukiumoortumik 1. januarimi iluarsiivigineqartassaaq ukiumut aningaasanut inatsiseqarfiusumut pineqartumut procenti aaqqiissutissamik, tak. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat.”</p> <p>Tamatuma kingorna <i>imm. 2</i> aamma <i>4</i> kingorna <i>imm. 3</i> aamma <i>5.-</i>innngussapput.</p>
	<p style="text-align: center;"><b>§ 3</b></p> <p>Nukissiornermi ikummatissat avatangiisinut akitsuutaat pillugu Inatsisartut inatsisaat nr. 21, 18. november 2010-meersumi, Inatsisartut inatsisaatigut nr. 1, 14. april 2011-meersukkut ima allannguisoqarpoq:</p>

§ 1. Uuliamit tunisassiat aatsitassanit pisut, aamarsuarnut gassinullu Kalaallit Nunaanni kiammik aamma innaallagissap sarfaanik kiisalu motoorit ikummatissaanik pilersitsisarnermut atorneqartartut avatangiisinut akitsuutaat akilerneqartassaaq.

*Imm. 2.* Avatangiisinut akitsuut ima annertussuseqarpoq:

1) Gas aamma dieselolie liiterimut 0 kr. liiterimut 15o 10 øre suulluunniit

ilanngullugit petroleum, Jet A1 il.il. C

2) Fuelolie tonimut 113 kr.80 øre

3) Motorbenzinit suulluunniit ilanngullugit liiterimut 0 kr.

flyvebenzin assigisaallu 15o 10 øre assigisaallu C

4) Gassit suulluunniit, liiterimut 110 kr.

Ilanngullugit naturgas, bygas il. il., flaskegas pinnagit Nm3 40 øre

5) Aamarsuit suulluunniit tonimut 73 kr. ilanngullugit stenkul, jordoliekoks, brunkul, trætjære il. il.

*Imm. 3.* Imm. 2-mi nioqqutissiat taaneqartut imaluunniit nioqqutissiat taakku nioqqutissallu allat akuleriissut tamarmiusut eqqarsaatigalugit avatangiisinut akitsuutaat akilerneqassaaq inatsit manna malillugu nioqqutissamut akitsuuteqarnerpaamut akigititaq malillugu, akuleriissitat kiammik, innaallagissap sarfaanik imaluunniit motoorit ikummatissaatut atorneqarsinnaappata.

*Imm. 4.* Uuliakut imermik akusat umiarsuarniit katersat kiassarnermik imaluunniit innaallagissap sarfaanik pilersitsinissamut atorneqartartut imaluunniit atorneqartussatut aalajangerneqarsimasut, imm. 2, nr. 1-imi akitsuutip taaneqartup procentiata ilai uku avatangiisinut akitsuusigaassapput:

1) 35 pct. 65 pct.-imik sinnerluguluunniit

1. § 1-imi immikkoortutut nutaatut imm. 5 ilanngunneqassaaq:

”*Imm. 5.* Imm. 2-mi avatangiisinut akitsuut ukiumoortumik 1. januarimi iluarsiivigineqartassaaq ukiumut aningaasanut inatsiseqarfiusumut pineqartumut procenti aaqqiissutissamik, tak. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat.”

<p>imertalimmut.</p> <p>2) 70 pct. minnerpaamik 30 pct.-imik aamma 65 pct. ataallugu imertalimmi.</p> <p>3) 95 pct. minnerpaamik 5 pct.-imik aamma 30 pct. ataallugu imertalimmi.</p> <p>4) 100 pct. 5 pct. ataallugu imertalimmi.</p>	
	<p style="text-align: center;"><b>§ 4</b></p> <p>Umiarsualivimmiinnermut akileraarutit pillugit Inatsisartut inatsisaat nr. 20, 30. oktober 1992-imeersumi, Inatsisartut inaatsisaatigut nr. 14, 3. juni 2015-imi kingullermik allangortinneqartumi ima allannguisoqarpoq:</p>
<p><b>§ 3.</b> Bruttotonimut (BT) akitsuut akit makku malillugit naatsorsorneqassaaq:</p> <p>1) Umiarsuit takornariartaatit ullup unnuallu aallartinneranut ataatsimut 1 kr. 10 øre.</p> <p>2) Umiarsuit ilaasartaatit ullormut unnuamullu ataatsimut aallartinneqartumut 0 kr. 70 øre.</p> <p>3) Aalisariutit Danmarkimi, Savalimmiuni imaluunniit nunani allani nalunaarsorneqarsimasut ullormut unnuamullu aallartinneqartumut ataatsimut 0 kr. 70 øre.</p> <p>4) Umiarsuit usinik assartuinissamut aaqqissorneqarsimasut kiisalu umiarsuit allat sapaatip akunneranut aallartinneqartumut ataatsimut 0 kr. 70 øre.</p>	<p>1.”§ 3-<i>mi</i> imm. 3 nutaaq ilanngunneqassaaq: “Imm. 3. Imm. 2-<i>mi</i> akitsuut ukiumoortumik 1. januarimi iluarsivigineqartassaaq ukiumut aningaasanut inatsiseqarfiusumut pineqartumut procenti aaqqiissutissamik, tak. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat.”</p>
	<p style="text-align: center;"><b>§ 5</b></p> <p>Nioqutissanik eqqussuinermit akitsuutit pillugit Inatsisartut inatsisaat nr. 19, 30. oktober 1992-imeersumi, Inatsisartut inatsisaatigut nr. 2, 25. maj 2016-imeersumi kingullermik allangortinneqartumi ima</p>

	allannguisoqarpoq:
	<p><b>1.</b> § 1-imi imm. 3 ilanngunneqassaaq:  ”Imm. 3. § 1, imm. 1, nr. 1-8, nr. 9, litra a aamma b, nr. 10-17, nr. 19 aamma nr. 25 malillugit akitsuutit ”Imm. 3. Imm. 1-imi akitsuut ukiumoortumik 1. januarimi iluarsivigineqartassaaq ukiumut aningaasanut inatsiseqarfiusumut pineqartumut procenti aaqqiissutissamik, tak. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat.”</p>
	<p style="text-align: center;"><b>§ 6</b></p> <p>Imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaanni nr. 20, 12. december 2003-meersumi, Inatsisartut inatsisaatigut nr. 9, 19. oktober 2007-imeersukkut kingullermik allannguuteqartinneqartumi ima allannguisoqarpoq:</p>
	<p><b>I.</b> § 1 a-p kingorna § 1 b-tut ilanngunneqassaaq:  ” <b>§ 1 b.</b> § 1 aamma 1 a malillugit akitsuutit 1. januarimi iluarsivigineqartassaaq ukiumut aningaasanut inatsiseqarfiusumut pineqartumut procenti aaqqiissutissamik, tak. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat.”</p>
	<p style="text-align: center;"><b>§ 7</b></p> <p>Utoqqalinersiaqarneq pillugu Inatsisartut inatsisaat nr. 20, 23. november 2015-meersumi, Inatsisartut inatsisaatigut nr. 6, 2. juni 2017-imeersukkut kingullermik allannguuteqartinneqartumi ima</p>

	allannguisoqarpoq:
<p><b>§ 11.</b> Kalaallit Nunaanni naatsorsueqqissaartarfiup akit iluarsiiissutissaattut naatsorsugai tunngavigalugit aningaasat §§ 9-10-mi taaneqartut iluarsiivigineqassapput. Tunngaviusumik aningaasat aamma utoqqalinersianut tapiliut 1. juli-mi akit iluarsiivigineqarnissaani allannguutissatut naatsorsukkap qaammatit kingulliit 12-it iluanni iluarsiivigineqassapput. Iluarsiiineq pisassaaq ukiumut ataasiarluni 1. januar tullinnguuttumi siullermit atuutsilersumik.</p> <p><i>Imm. 2.</i> Aningaasat iluarsiiissutit ukiut tamaasa 1. januarimi Naalakkersuisut tamanut ammasumik nalunaarutigisassavaat.</p>	<p><b>1. § 11</b> imatut oqaasertaqassaaq: ”§ 11. § 5, imm. 2, § 9 aamma § 10-mi aningaasat ukiumoortumik 1. januarimi iluarsiivigineqartassaaq ukiumut aningaasanut inatsiseqarfiusumut pineqartumut procenti aaqqiissutissamik, tak. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat.”</p>
	<p style="text-align: center;"><b>§ 8</b></p> <p>Siusinaartumik pensionisiat pillugit Inatsisartut inatsisaat nr. 6, 7. november 2018-imeersumi, Inatsisartut inatsisaatigut nr. 40, 23. november 2017-imeersukkut kingullermit allannguuteqartinneqartumi makku allannguutigitinneqassapput:</p>
<p><b>§ 18.</b> Siusinaartumik pensionisiat tak. § 17, imm. 2, Kalaallit Nunaanni naatsorsueqqissaartarfiup akit iluarsiiissutissaattut naatsorsugai tunngavigalugit iluarsiivigineqassapput. Siusinaartumik pensionisiat 1. julimi akit iluarsiiissutissaasa allannguutissaattut qaammatini kingullermit naatsorsukkat iluanni iluarsiivigineqassapput. Iluarsiiineq pisassaaq ukiumut ataasiarluni 1. januar tullinnguuttumi siullermit atuutsilersumik.</p> <p><i>Imm. 2.</i> Aningaasat iluarsiiissutit ukiut tamaasa 1. januarimi Naalakkersuisut tamanut ammasumik nalunaarutigisassavaat.</p>	<p><b>1. § 18</b> imatut oqaasertaqassaaq: ”18. § 16, imm. 3 aamma 4, aamma § 17, imm. 2 – 4-mi aningaasat ukiumoortumik 1. januarimi iluarsiivigineqartassaaq ukiumut aningaasanut inatsiseqarfiusumut pineqartumut procenti aaqqiissutissamik, tak. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat.”</p>

	<p><b>§ 9</b></p> <p>Inatsisartut inatsisaat atuutilerpoq 1. juni 2019, siullerpaamillu atuutilissalluni ukiumi aningaasanut inatsiseqarfiusumi 2020-imi.</p>
--	---

### **3. Aningaasaqarnikkut allaffissornikkullu pisortanut kingunerisassat**

Akigititat makku akit iluarsiiissutaanut ullumikkut iluarsineqartartut siunnersuutikkut akigititat makku iluarsiivigineqassapput: Siusinaartumik pensionisiat pillugit Inatsisartut inatsisaat aamma utoqqalinersiaqarnej pillugu Inatsisartut inatsisaat naapertorlugit pisartagarititat.

Kalaallit Nunaanni Naatsorsueqqissaartarfik malillugu 2017-imi 609 mio. kr.-it pineqarput, akillu iluarsiivigineqartarnerannut taarsiullugu procentimut aaqqiissutissamik siunissami aaqqinneqartalissaq.

Tamanna tunngavigalugu katillugit 2020-mi 2,8 mio. kr.-inik, 2021-mi 2,8 mio. kr.-inik, 2022-mi 7,7 mio. kr.-inik aammalu 2023-mi 7,8 mio. kr.-inik aningaasartuutaanerusussanik siunnersuut pisortanut nassataqassasoq naatsorsuutigineqarpoq.

Siunnersuummi akileraartitsisarnermi akitsuusiisarnermilu akit arlallit pineqarput ullumikkut iluarsiivigineqartussaangitsut. Nunatta Karsiata Naatsorsuutai malillugit 2017-imi isertitat 630,9 mio. kr.-it pineqarput.

Tamannattaq tunngavigalugu iluarsiiinissaq pisortani 2020-mi 5 mio. kr.-inik, 2021-mi 5,1 mio. kr.-inik, 2022-mi 19,2 mio. kr.-inik aammalu 2023-mi 19,8 mio. kr.-inik isertitaqarfiunerussaq.

Taamaalilluni siunnersuut isertitaqarfiunerussaq katillugit 2020-mi 2,2 mio. kr.-inik, 2021-mi 2,2 mio. kr.-inik, 2022-mi 11,6 mio. kr.-inik aammalu 2023-mi 12 mio. kr.-inik.

Pisortat isertitaqarnerulernissaat siunnersuummi siunertarineqanngilaq, akilli arlallit ingerlaavartumik assigiiaartumillu iluarsiivigineqarnissaat qulakkeerniarneqaannarpoq. Taamaattumik akileraartarnerup, isumaginninnerup ineqarnerullu pitsaanerusumik suleqatigiilernissaat aningaasalerniarlugu siunnersuummi tassani isertitaqarnerulernissaq naatsorsuutigineqarpoq. Taamaalilluni nuussinikkut isertitat siunnersuummi matumani pineqanngitsut iluarsiiissutit aningaasalersorneqarnissaannut ilaatinneqarnissaat eqqarsaatigineqarpoq, taamaallaalli 2020-imi aningaasanut inatsisissatut siunnersuummi il.il. procentimik iluarsiisummik naleqqussarnissaat naatsorsuutigineqarluni. Tamanna

peqatigitillugu siunissaq ungasinnerusq isigalugu pisortat aningaasaataat siunnersuutikkut pitsaanerulersinniarneqanngillat.

Siunnersuut pisortanut allaffissornikkut annertunerusumik kinguneqassanngitsoq nalilerneqarpoq.

#### **4. Aningaasaqarnikkut allaffissornikkullu namminersortunut kingunerisassat**

Siunnersuut inuussutissarsiummik ingerlataqartunut nioqqutissanik akitsuusersugassatut inatsimmi ilaatinneqartunik tunisaqartartunut killilerujussuarmik sunniuteqassasoq nalilerneqarpoq. Taamaattorli inuussutissarsiummik ingerlataqartut iluarsiiissummut naleqqussaait akigitiitaminut ilanngullugit naatsorsortassagaat nalilerneqarpoq, taamaattumillu iluarsiiissutit annertunarpaartaat atuisunit akilerneqassallutik.

Siunnersuut pisortanut allaffissornikkut annertunerusumik kinguneqassanngitsoq nalilerneqarpoq.

#### **5. Avatangiisinut, pinngortitamut aamma innuttaasut peqqissusaannut kingunerisassat**

Siunnersuut avatangiisinut imaluunniit pinngortitamut kinguneqassasoq imaluunniit innuttaasut peqqissusaannut kinguneqassasoq naatsorsuutigineqanngilaq.

#### **6. Innuttaasunut kingunerisassat**

Piffissap ingerlanerani aaqqissuussinermi massakkut atuuttuminngarnit siusinaartumik pensionisiallit aamma utoqqalinersiallit siunnersuutikkut atugarissaarnerulersinniarneqarput, taakkununga tunniuttakkat pisortat akissarsiaatigut ineriartortitsinerannut iluarsineqartassammata.

Atuisunut aningaasartuutaanerusussat 2020-mi 2,2 mio. kr.-inik, 2021-mi 2,2 mio. kr.-inik 2022-mi 11,6 mio. kr.-inik aammalu 2023-mi 12 mio. kr.-inik nunatta karsianut isertitaqarnerussutaassapput. 16-it sinnerlugit ukiulinnut tamanut aningaasartuutaanerusussat agguaqatigiissillugu 2020-mi 113 kr.-iunissaat, 2021-mi 115 kr.-iunissaat, 2022-mi 434 kr.-iunissaat 2023-milu 448 kr.-iunissaat naatsorsuutigineqarpoq. Aningaasartuutit qaffassutaasa aningaasarsianit isertitat ineriartornerat malissavaat.

#### **7. Kingunerisassat pingaarutillit allat**

Siunnersuut annertunerusunik allanik kinguneqassanngilaq.

#### **8. Oqartussaaffeqarfiit kattuffiillu il.il. tusarniaaffigineqarnerat**

Siunnersuut 2018-imi 21. septembarimit 2. Novembarip tungaanut ukununga tusarniaassutigineqarpoq:

Sulisitsisut, NUSUKA, SIK, IMAK, ASG, AK, Kommune Kujalleq, Kommuneqarfik Sermersooq, Qeqqata Kommunia, Qaasuitsup Kommunia, Nunatsinni Advokatit aamma Namminersorlutik Oqartussani aqutsisoqarfiit tamarmik.

Aammalu 2017-imi 6. novembarimiit 12. decembari tungaanut 2017-imi siunnersuut assigisaanik imalik tusarniutigineqaroq. Siunnersuutip saqqummiunneqarnerata kingorna Inatsisartunik qinersisoqarmat siunnersuut taamaatiinnarpoq

Tusarniaanermi akissutit ukunannga tiguneqarput: Sulisitsisut, SIK, IMAK, Ilinniartitaanermut, Kultureqarnermut Ilageeqarnermullu Naalakkersuisoqarfik, Ineqarnermut Attaveqaqatigiinnermullu Naalakkersuisoqarfik kiisalu Avannaata Kommunia.

Ataani tusarniaaffigisat nassuiaataanni immikkoortut pingaarnerit nalinginnaasumik naqinnerit atorlugit takutinneqarput, Naalakkersuisulli nassuiaataat *uingasunik* allanneqartaqarlutik.

Annertussutsit ullumikkut inatsisini arlalinni aalajangersarneqartut ilaat ingerlaavartumik iluarsiiisuteqarfiginissaannut amerluaqqusat assigiiaalernissaat aallaaviatigut pitsaasuusooq SIK isumaqarpoq. Taamaakkaluartoq akileraarutitigut akitsuutitigullu annertussutsit iluarsiiigineqarneranni innuttaasunut sunniutissat naatsorsorneqarnissaat SIK-mit ujartorneqarpoq.

Innuttaasumut ataatsimut 16-it sinnerlugit ukiulimmut agguaqatigiissillu aningaasartuutaanerusussatut missingikkanut naatsorsukkat imm. 6-imi siulianiittumi takutinneqarput.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata 2017-imi juunimi akuersissutigineqarneranut atatillugu tusarniaaffigineqarsimanginnini IMAK-ip naammagittaalliutigaa. IMAK tusarniaaffigineqarsimasuuppat kattuffik pissutsinut arlalinnut oqaaseqaateqarsimassagalarpoq. Taamaakkaluartoq IMAK-imit oqaatigineqarpoq Inatsisartut inatsisaat una eqqarsaatigalugu allatut iliuuseqartoqarsinnaanngitsoq allanillu oqaaseqaatissaqarnani.

2017-imi ukiuunerani tusarniaaffigineqarsimanginneq pillugu uparuaat Naalakkersuisunit tusaatissatut tiguneqarpoq.

Tusarniaaffigisat sinnerit siunnersuummut oqaaseqaateqanngillat.

## **Siunnersuummi aalajangersakkanut ataasiakkaanut nassuiaatit**

### *§ 1-imut*

(Aningaasarsianit akileraarutit pillugit Inatsisartut inatsisaat)

Nr. 1-imut

Nr. 2-mi allannguinerup kingunerisaanik § 47 d, imm. 2-mi oqaaseqaatigiit 3-mit 5-imut atorunnaarsinneqassasut siunnersuutigineqarpoq.

Nr. 2-mut

Akileraartitsisarnermi akitsuusiisarnermilu akigititat pineqartut arlallit procentimik iluarsiiissutissamik iluarsineqartussatut siunnersuutigineqartut aalajangersakkami allattorneqarput.

Akissarsianit akileraarusiisarnermi ilaatigut pineqarput akeqanngitsumik biileqartitaanermi akit, pensionisiat mikivallaarneratigut ukiumoortumik aningaasat tunniunneqartussat annertussusaat qaqugu tunniunneqassanersut, utoqqalinersiaqalernissamut katersat tamarmiusut annikippallaarnerat pissutigalugu ataatsikkut tunniunneqarsinnaaner at aamma kinguaariit nikinnerisa ilaattut aningaasat annertussusaat atorneqarsinnaanersut aktianik imaluunniit piginneqataassutinik pisinermut.

### *§ 2-mut*

(Aningaasanik ikisilluni pinnguaatinut akileraarut pillugu Inatsisartut inatsisaat)

Nr. 1-imut

Siunnersuutip kingunerisaanik pinnguaatinut aningaasanoorutini eqqukkanut ullumikkut akitsuutit imatut annertussusillit 64.000 kr., 70.000 kr., 76.000 kr. aamma pinnguaatini aningaasanoorutini eqqugartaqanngitsunut imatut annertussuseqarmata 5.460 kr., 6.540 kr. aamma 7.630 kr. procentimik iluarsiiissumik ukiut tamaana 1. januarimi, siullermeersumik 1. januar 2020-mi iluarsiivigineqassapput.

### *§ 3-mut*

(Nukissiornermi ikummatissat avatangiisinut akitsuutaat pillugu Inatsisartut inatsisaat)

Nr. 1-imut

Siunnersuutip kingunerisaanik ullumikkut akitsuutit imatut annertussusillit 0,10 kr., 113,80 kr., 110,40 kr., aamma 73,40 kr. procentimik iluarsiiissumik ukiut tamaasa 1. januarimi, siullermeersumik 1. januar 2020-mi iluarsiivigineqassapput.

*§ 4-mut*

(Umiarsualivimmiinnermut akileraarut pillugu Inatsisartut inatsisaat)

Nr. 1-imut

Siunnersuutip kingunerisaanik ullumikkut akitsuutit imatut annertussusillit 1,10 kr. aamma 0,70 kr. procentimik iluarsiiissumik ukiut tamaasa 1. januarimi, siullermeersumik 1. januar 2020-mi iluarsiivigineqassapput.

*§ 5-imut*

(Nioqqutissanik eqqussuinermit akitsuutit pillugit Inatsisartut inatsisaat)

Nr. 1-imut

Siunnersuutip kingunerisaanik ullumikkut ukunani akitsuutit sukku, sukkulaatit il.il., imagassat aalakoornartortallit, sodavandit, imeruersaatit akullit, imeruersaatinut puussat, tupanut, sikaritsit pappiarartassaannut, kaffinut, tiinut, neqinut aamma neqinit tunisassianut, knallertinut, snescooterinut biilinullu aamma vandscooterinut ullumikkut akitsuutit procentimik iluarsiiissummik ukiut tamaasa 1. januarimi, siullermeersumik 1. januar 2020-mi iluarsiivigineqassapput.

*§ 6-imut*

(Imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaat)

Nr. 1-imut

Siunnersuutip kingunerisaanik imeruersaatit aalakoornartortallit aamma sodavandit Kalaallit Nunaanni immiugarineqartut procentimik iluarsiiissumik ukiut tamaasa 1. januarimi, siullermeersumik 1. januar 2020-mi iluarsiivigineqassapput.

*§ 7-imut*

(Utoqqalinersiaqarneq pillugu Inatsisartut inatsisaat)

Nr. 1-imut

Siunnersuutip kingunerisaanik utoqqalinermit pensionisiat tunngaviumik aningaasartaasa naatsorsorneranni akit aamma pensionisiat tapit annikilleraataat procentimik iluarsiummik ukiut tamaasa 1. januarimi, siullermeersumik 1. januar 2019-imi iluarsivigineqassapput.

*§ 8-mut*

(Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq)

Nr. 1-imut

Siunnersuutip kingunerisaanik siusinaartumik pensionisiat akit tassungalu annikilleraatit procentimik iluarsiummik ukiut tamaasa 1. januarimi, siullermeersumik 1. januar 2019-imi iluarsivigineqassapput.

*§ 9-mut*

Inatsisartut inatsisaat ulloq 1. juni 2019-imi atuutilersinneqassasoq aammalu Inatsisartut inatsisaat siullerpaamik ukiumi aningaasanut inatsiseqarfiusumi 2020-mi annertussutsinik iluarsinermi siullermik atorineqassasoq siunnersuutigineqarpoq.